

Transcription des historiens

{1} Jeu Perrins de Louveneri escuiers fais savoir à tous que je suis devenus hons liges devant
{2} tous hommes à mon chier seygnour Ferri duc de Lorraine *et* marchis *et* an teing *et* doi
{3} tenir en fié *et* en hommaige de lui *et* de ces hoirs cinquante Resauz de blef moitié wain *et*
{4} moitié avoinne que il m'ait assignei chascun an ez araiges de Dongelien *et* de Gelleviller
et quatre {5} cherres de foine que il m'ait assignei chascun an en son prei desouz Monfort
entour l'estanc *et* {6} pour lou fié dessus dit je *et* mi hoir qui celui fié tenrons devons wardeir
on chastel de {7} Monfort an *et* jour chascun an à touz jours mais *et* i devons demoreir je *et* mi
hoir qui lou devant {8} dit fié tanront tant com mes sirez li dus devant dis ou sui hoir de cui on
tanroit celui fié {9} vouroient sans partir de lei . En tesmoingnaige de ceste chose pour ceu que
je n'ai point de saiel {10} Sont ces lettres saieleez à ma proiere *et* à ma requeste dou saiel
l'onorable peire en Deu {11} signour Conrat par la Graice de Deu Eveske de Toul *et* dou saiel
de la Court l'official {12} de Toul. Ce fut fait l'an de Graice mil douz cens *et* quatre vins, lou
lundi après feiste saint {13} Gregoire on mois de mars.

Les trois localités de Domjulien, Girovillers et Montfort sont situées en France, dans le département des Vosges.

Peu d'abréviations sont utilisées par le scribe hormis pour la conjonction *et*.